

INUIT ATAQATIGIIT INATSISARTUNI



UKA2023/19

28/9-2023

Mariia Simonsen, Inuit Ataqatigiit

Nioqqutissanik eqqussuineq annissuinerlu pillugit Inatsisartut inatsisaata allangortinnera pillugu Inatsisartut inatsisissaattut siunnersuut

(Aningaasaqarnermut, Naligiissitaanermut, Aatsitassanut, Inatsisillu
Atuutsinneqarnerannut Naalakkersuisoq)

Oqaaseqaat:

Siusinnerusukkut Inatsisartuni akuerineqarpoq immiaaqqanik, viinninik
imigassanillu kimittuunik innuttaasutut ataasiakkaarluta
tikisitsisinnaalissasugut taamaalilluta pisisartutut periarfissagut
amerlanerulissallutik.

Inatsimmut allanguutissatut siunnersuummi anguniarneqartut makkuupput:
Imeruersaatinik imigassanillu pisiniarfinni pisiarisinnaangisatsinnik tikisitatta
pisiniarfinni nioqqutissanit akikinneruallaalinnginnissaat taamaalillunilu
imigassamik atuinerup annertusinnginnissaa. Anguniakkat tamakku
akitsuusiinikkut anguneqassasut naalakkersuisut siunnersuutigaat.

INUIT ATAQATIGIIT INATSIARTUNI



Taamaaliorneq Inuit Ataqatigiinni ajorinngilarput. Isumaqatigaarput pisiniarfinni pisiassat namminerlu eqqussat akimikkut nikingavallaassanngitsut, nunatsinnimi pisiniarfiit iluanaarutissaat landskarsimullu isertitassat ikilisartariaqanngilagut.

Siunnersuummi pineqartut allarpaaluupput, soorlu nioqqutissat umiarsualivimmit avalaanneqarniariartut akitsuutit atulernissaannut tunngasoq, kiisalu nioqqutissanik akitsuutitalinnik eqqussinermi mittarfimmi akitsuutitink akiliisinnaalernissamut tunngasoq.

Tamakku ataatsimiititaliami sukumiisumik sammineqarniassamata siunnersuut aningaasanut akileraarutinullu ataatsimiititaliamut innersuupparput.